


ՏՈՒՆ

ՎՐԱՍՏԱՆԸ ՆՇԵՑ ՈՍՏԻԿԱՆՈՒԹՅԱՆ ՕՐԸ



Հունիսի 2-ին Վրաստանում մշակվեց Ոստիկանության օրը:

Հանդիսավոր միջոցառմանը ներկա էին Վրաստանի նախագահ Գիորգի Մարգվելաշվիլին, վարչապետ Գիորգի Կվիրկվաշվիլին, երկրի կառավարության եւ խորհրդարանի անդամները, Վրաստանում հավատարմագրված դիվանագիտական կորպուսի ներկայացուցիչները: Միջոցառմանը հատուկ հյուրի կարգավիճակով ներկա էին նաեւ Լիտվայի, Մոլդովայի եւ Բելառուսի ներքին գործերի (Շարունակությունը՝ 2-րդ էջում)

ԱԶԱԿՑՈՒԹՅՈՒՆ

ՖՐԱՆՍԻԱՆ ՊԱՇՏՊԱՆՈՒՄ Է ՎՐԱՍՏԱՆԻ ՀԱՄԱՐ ԱՆԱՅՑԵԳՐԱՅԻՆ ՊԱՅՄԱՆԱԿԱՐԳԸ

Ֆրանսիական Բորդո քաղաքում անցկացված «Գինու քաղաք» միջոցառման շրջանակներում, Վրաստանի վարչապետ Գիորգի Կվիրկվաշվիլին հանդիպում ունեցավ Ֆրանսիայի նախագահ Ֆրանսուա Օլանդի հետ:

Հանդիպմանը Ֆրանսուա Օլանդը հաստատեց Ֆրանսիայի դիրքորոշումը Վրաստանի հետ անայցեգրային պայմանակարգի հաստատման հարցում: Ֆրանսիայի նախագահը դրական գնահատական տվեց Վրաստանում անցկացված բարեփոխումներին եւ անայցեգրային



(Շարունակությունը՝ 2-րդ էջում)

ԱՅՑ

ՆՈՐ ԷՋ՝ ՎՐԱՅ-ՍԼՈՎԱԿՅԱՆ ՀԱՐԱԲԵՐՈՒԹՅՈՒՆՆԵՐՈՒՄ

ՍԼՈՎԱԿԻԱՅԻ ՆԱԽԱԳԱՐԸ ԱՅՑԵԼԵՑ ԱԽԱՆՑԻՆԵ



Մայիսի 30-ին պետական այցով Վրաստան ժամանեց Սլովակիայի նախագահ Անդրեյ Կիսկան:

Դա Սլովակիայի ղեկավարի առաջին այցն է Վրաստան: Նույն օրը տեղի ունեցավ Վրաստանի նախագահ Գիորգի Մարգվելաշվիլի հանդիպումը իր սլովակ գործընկերոջ հետ: Հանդիպմանը կողմերը քննարկեցին երկկողմ հարաբերությունների հարցեր: Կողմերը քննարկեցին նաեւ Վրաստանի բռնազավթված տարածքներում ստեղծված իրավիճակի հարցը:

Մայիսի 31-ին Վրաստանի նախագահ Գիորգի Մարգվելաշվիլին եւ Սլովակիայի նախագահ Անդրեյ Կիսկան եղան Ցիսինվալիի տարածաշրջանի (Շարունակությունը՝ 2-րդ էջում)

ՎԱՐԴԱՏՈՒՆ - 2016

ՄԻՐԻ ԵՎ ԺՈՂՈՎՈՒՐՆԵՐԻ ՄԻԱԲԱՆՈՒԹՅԱՆ ՕՐԸ

Ինչպես միշտ, մայիսյան վերջին կիրակի օրը լեփ-լեցուն էր մայրաքաղաքի հնաշունչ «Մեյդան» թաղամասի Վախթանգ Գորգասալու անվան հրապարակը: Հյուրերը նախ վարդեր են դնում հրապարակին կից Սուրբ Գեորգ եկեղեցու բակում հանգչող միջնադարի հայ հանճարեղ աշուղ-բանաստեղծ Սայաթ-Նովայի (1712-1895) շիրիմին, ապա շտապում դեպի հրապարակ, որտեղ վերջին մի քանի տարիներին հատուկ այդ օրվա համար սարքված բեմից հնչում են ելույթները եւ գեղարվեստական կատարումները:

Միջնադարի հանճարին, երեք լեզվով ստեղծագործող (հայերեն, վրացերեն, ադրբեջաներեն) աշուղ-բանաստեղծ Սայաթ-Նովային նվիրված 102-րդ «Վարդատոնը» սկսվում է Վրաստանի հայոց թեմի առաջնորդ Տեր Վազգեն եպիսկոպոս Միրզախանյանի օրհնությամբ: Իր խոսքը եպիսկոպոսն ավարտեց

պատգամով. «Սայաթ-Նովան միավորեց բոլորին իր երգով, մենք եւս միավորվենք սայաթ-նովյան գեղեցիկ երգով եւ Վրաստանում ու աշխարհի տարբեր անկյուններում ապրելով, միաբանվենք մեր հավատքի, մեր մշակույթի շուրջ»:

Թբիլիսիի սակրեբուլոյի նախագահ Գիորգի Ալիբեգաշվի-



լին, ջերմորեն ողջունելով իր բազմակեզու համաքաղաքացիներին, ընդգծեց. «Մենք ձեզ հետ միասին պետք է կանգնենք մեջք-մեջքի եւ հզորացնենք ու մասնակից դառնանք մեր երկրի զարգացմանը: Աստված թող է՛լ ավելի հզորացնի մեր երկիրը եւ մեր միասնությունը»:

(Շարունակությունը՝ 5-րդ էջում)

ՄԱՅԻՍԻ 28-Ը՝

ՀԱՅԱՍՏԱՆԻ ԱՌԱՋԻՆ ՀԱՆՐԱՊԵՏՈՒԹՅԱՆ ՕՐ

ՍԵՐԺ ՍԱՐԳՍՅԱՆ. «ԱՅՍ ՏՈՒՆԸ ՄԵՋ ՀԱՄԱՐ ՓՐԿՈՒԹՅԱՆ ՏՈՒՆ Է»

Մայիսի 28-ին աշխարհասփյուռ հայությունը մշեց Հայաստանի Առաջին հանրապետության հիմնադրման եւ Սարդարապատի ճակատամարտում պատմական հաղթանակի 98-ամյակը՝ Հանրապետության տոնը:



Այդ օրը Հայաստանի նախագահ Սերժ Սարգսյանը Սարդարապատի հերոսամարտի հուշա-

համալիրում Ն.Ս.Օ.Տ.Տ. Գաբեգին Բ Ամենայն Հայոց կաթողիկոսի, (Շարունակությունը՝ 7-րդ էջում)

ՄԵԾ ԵՂԵՈՒՆ-101

ԳԵՐՄԱՆԻԱՅԻ ԲՈՒՆԴԵՍՐԱՏՎ ԸՆԴՈՒՆԵՅ ՀԱՅՈՅ ՃԵՂԱՊԱՆՈՒԹՅԱՆ ՃԱՆԱՉՄԱՆ ԲԱՆԱՋԵՎԸ

2016 թվականի հունիսի 2-ին Գերմանիայի Բունդեսբազմ ընդունեց Հայոց ցեղասպանության ճանաչման բանաձեւը, որն ունի «1915թ. հայերի եւ մյուս քրիստոնյա փոքրամասնությունների ցեղասպանության հիշատակի եւ ոգեկոչման մասին» անվանումը:

Բանաձեւն ընդունվեց՝ ունենալով ընդամենը մեկ դեմ, մեկ ձեռնպահ ձայն:

Բանաձեւը համատեղ կազմել եւ ներկայացրել են իշխող կուլիցիայի անդամներ Քրիստոնեա-դեմոկրատական միություն (CDU) եւ Քրիստոնեական-սոցիալական միություն (CSU), Սոցիալ-դեմոկրատական (SDP) եւ ընդդիմադիր Կանաչների կուսակցությունները:

Հայաստանի նախագահ Սերժ Սարգսյանը շնորհակալական հեռագրեր է հղել Գերմանիայի նախագահ Յոախիմ Գաուկին, կանցլեր Անգելա Մերկելին եւ Բուն-

դեսբազի նախագահ Նորբերտ Լամերտին: Հայաստանի նախագահը խորին շնորհակալություն է հայտնել նրանց եւ Գերմանիայի բոլոր այն քաղաքական եւ հասարակական ուժերին, որոնք իրենց վճռական խոսքն ասացին այս հարցում:

Նույն օրը, երեկոյան, Թբիլիսում, Գերմանիայի դեսպանատան առջեւ, մի խումբ թբիլիսահայեր անցկացրեցին ցույց, որի մասնակիցներն իրենց շնորհակալությունը հայտնեցին Գերմանիայի կառավարությանը Ցեղասպանությունը դատապարտող բանաձեւը ընդունելու կապակցությամբ:

ՏԱՐԱԾԱՆԵՐԱՆ

ՅՈՒՐԻ ՎԱՐԴԱՆՅԱՆԸ ԱՅՑԵԼԵՑ ՍԱՄՑԻՆԵ-ՋԱՎԱԽԵԹԻ ԵՐԿՐԱՄԱՍ

Վրաստանում Հայաստանի արտակարգ եւ լիազոր դեսպան Յուրի Վարդանյանը կատարել է աշխատանքային այց Վրաստանի Սամցխե-Ջավախեթի տարածաշրջան: Այցի շրջանակներում, Ախալ-ցիխեում դեսպան Վարդանյանը հանդիպում է ունեցել Սամցխե-Ջավախեթի նահանգապետ Ակակի Սաճուտաձեի հետ:

Հանդիպման օրակարգի հիմնական թեման միջադեպի հետեւանքով ստեղծված իրավիճակն էր եւ դրա հաղթահարմանն ուղղված քայլերը: Այս առումով, դեսպան Վարդանյանը իր խորը



մտահոգությունն է հայտնել նահանգապետին եւ հույս հայտնել, որ միջադեպերի մեղավորները (Շարունակությունը՝ 2-րդ էջում)

Ախարքայաբի թիվ 4 դպրոց

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ԱՎԱՆԴՈՒՅՑ

«ՆԻՆՈՐԱՆ»՝ ՓԱՐՎԱՆԱ ԼՃԻ ԱՓԻՆ

Յունիսի 1-ին Վրաց Ուղղափառ եկեղեցին նշում է երկրում քրիստոնեությունը տարածած սրբի՝ Սուրբ Նինոյի օրը՝ «Նի-նոորան»։ Նշենք, որ Վրաց եկեղեցական օրացույցում Սուրբ Նինոյին նվիրված երկու օր կա՝ հունվարի 27-ը՝ Սրբի մահվան հիշատակի օրը եւ հունիսի 1-ը՝ Նինոյի Վրաստան մուտք գործելու օրը։

Ավանդաբար, Սուրբ Նինոյի տոնը նշվում է Նինոծմինդայի մու-նիցիպալիտետի Փոկա գյուղի հա-րակից տարածքում, Փարվանա լճի ափին, որտեղ առաջին ան-գամ կանգ է առել Նինոն։ Այստեղ էլ մատուցվեց տոնական պատա-րագ, որին ներկա էին Վրաց Ուղ-


ղափառ եկեղեցու բարձրաստի-ճան հոգեւոր առաջնորդներ եւ ուխտավորներ՝ երկրի բոլոր տա-րածաշրջաններից։ Այստեղ էին նաեւ հարակից հայաբնակ գյու-ղերի բնակիչները։

Միջոցառմանը ներկա էին նաեւ Նինոծմինդայից Վրաս-

տանի խորհրդարանի մեծա-մասնական պատգամավոր Դենգել Սկոյանը, Նինոծմին-դայի մունիցիպալիտետի վար-չության եւ սակրեբուլոյի նա-խագահներ Գագիկ Կարսյանն ու Սմբատ Կյուրեղյանը, պաշ-տոնական այլ անձինք։

Պատմական տվյալներով, Սուրբ Նինոն ծնվել է Կապա-դովկիայում, 280 թվականին։ 12 տարեկանում ծնողները նրան ուղարկել են Երուսա-ղեմ՝ դաստիարակվելու քրիս-տոնական ոգով։ Զետագա-

յուն Նինոն սկսեց քրիստոնե-ության քարոզչությունը Զա-րավային Կովկասում, մասնա-վորապես՝ Վրաստանում։ Նա Վրաստան մուտք գործեց Զա-յաստանից, 319 թվականին։ Բազում փորձություններից հե-տո, նրա նպատակը կատար-վեց՝ Սուրբ Նինոյի ջանքերով Վրաստանում սրբի կողմից մկրտվեցին Վրաստանի թա-գավոր Միրիանն ու թագուհի Նանան, որից հետո Վրաստա-նը Քրիստոնեությունն ընդու-նեց որպես պետական կրոն։



ԱՆՑԿԱՅՎԵՑ ԱՆՎՏԱՆԳՈՒԹՅԱՆ ԽՈՐՀՐԴԻ ՆԻՍ

Մայիսի 30-ին, Վրաստանի նախագահ Գիորգի Մարգվելաշվիլու նախագահությամբ, անցկացվեց ազգային անվտանգության խորհրդի նիստ, որին մասնակցեցին խորհր-դի բոլոր անդամները։

Նիստում քննարկվեց բռնազավթված տարածքների երկայնքով ստեղծված իրա-վիճակի, մասնավորապես, Խուրջայում տե-ղի ունեցած միջադեպի հարցը։ Քննարկվեց նաեւ Կենտրոնական Աֆրիկյան Զանրապե-տությունում վրացական ստորաբաժանման թվաքանակի ավելացման հարցը։

ԵՎՐԱՄԻՈՒԹՅՈՒՆ ԶԵՏԱԶԳԵՑ ԱՆԱՅՑԵԳՐԱՅԻՆ ՌԵԺԻՄԻ ՈՐՈՇՈՒՄԸ

Եվրամիության անդամ երկրները հե-տաձգել են Վրաստանի քաղաքացիների համար անայցեգիր ռեժիմի սահմանման հարցի վերաբերյալ որոշման ընդունումը։ Զանաձայնագրին դեմ են արտահայտվել Ֆրանսիան եւ Գերմանիան։

Այդ թեման քննարկվել է ԵՄ-ի մշտական ներկայացուցիչների կոմիտեում։ «Թուրքի-ան, Ուկրաինան եւ Կոսովոն նույնպես պետք է այցեգրերի չեղարկման հետաձգման սպա-սեն, որովհետեւ դաշինքն ավելի զգուշա-վոր դիրք է բռնել ներգաղթի հետ կապված մտահոգությունների պայմաններում», - նշել է երկրներից մեկի պատվիրակության ներ-կայացուցիչը։ Ճշտվում է, որ Եվրոպայի քա-ղաքական գործիչները Վրաստանի հետ այ-ցեգրային ռեժիմի հարցի քննարկմանը կվե-րադառնան հաջորդ շաբաթ, նախքան ձեռ-նամուխ կլինեն Ուկրաինայի շուրջ համա-ման բանակցություններին։

ԱԽԱՋԻՆԵՐՈՒՄ ՆՇՎԵՑ ՎՐԱՍՏԱՆԻ ԶՆԱԳՈՒՅՆ ՍԻՆԱԳՈԳԻ 275-ԱՄՅԱԿԸ

Մայիսի 30-ին Վրաստանի կառավարու-թյան ներկայացուցիչները մասնակցեցին Վրաստանում հնագույն սինագոգներից մե-կի հիմնադրման 275 եւ դրա նորացման 153-ամյա իրերյաններին։

Միջոցառմանը ներկա էին նաեւ Վրաստա-նում հավատարմագրված դիվանագիտական կորպուսի, կրոնական ուղղությունների ներ-կայացուցիչներ եւ հյուրեր Իսրայելից։

Տոնական միջոցառումներն ավարտվե-ցին Ախալցխեի «Մեսխեթի» դրամատիկա-կան թատրոնում, որը նվիրված էր վրաց-հ-րեական 26-դարյա բարեկամությանը։

ԵԹԵ ՋՈՆԴԻ ԲԱՂԱԹՈՒՐԻԱՆ ՆՈՐԻՑ ԴԱՆԱ ԽՈՐՀՐԴԱՐԱՆԱԿԱՆ

Վրաց քաղաքագետ Ջոնդի Բաղաթու-րիան վերջերս Սոսկվայում պարզեւատր-վել էր Զայոց ցեղասպանության 100-ամյա-կի հուշանշալով։ Իր հերթին, Բաղաթու-րիան խոստացավ, որ եթե խորհրդարանա-կան ընտրությունների արդյունքներով հայտն-վի խորհրդարանում, ապա կնշակի Վրաս-տանի կողմից Զայոց ցեղասպանության ճա-նաչման օրինանախագիծը։

Բաղաթուրիան անուշադրության չմատ-նեց նաեւ Ռուսաստանում ապրող իր հայ-րենակիցներին։ «Ռուսաստանում ապրում է 1 միլիոն 200 հազար վրացի։ Նրանք աշ-խատում են գործարարության, արվեստի ոլորտներում, նախանձելի պաշտոնական առաջընթաց ունեն, սակայն հայտնի՝ է արդյոք դեպք, որ ԱՄՆ-ում, Եվրոպայում, Թուրքիայում ապրող վրացին հաջող կա-րիերա ունենա։ Նման դեպքեր չեն եղել, քանի որ Վրաստանն Արեւմուտքին պետք է միայն որպես ռազմավարական ասպա-րեզ Ռուսաստանի դեմ», - ընդգծեց Ջոնդի Բաղաթուրիան։

ՕՐԻՆԱՆԱԽԱԳԻԾ

ՆԱԽԱԳԱՆԱԿԱՆ ՎԵՏՈ՝ «ՄԱՅՄԱՆԱԴՐԱԿԱՆ ԴԱՏԱՐԱՆԻ ՄԱՍԻՆ» ՕՐԵՆՔԻ ՓՈԳՈՒՄՈՒԹՅՈՒՆՆԵՐԻ ՎՐԱ

Վրաստանի նախագահ Գիորգի Մարգվելաշվիլին վետո է դրել «Մահմանդա-կան դատարանի մասին» օրենքում իրականացվելիք փոփոխությունների վրա։

Նշենք, որ պետության ղեկավարը խորհրդարանի կողմից ընդունած օրեն-քի փոփոխությունները առաքել էր Վեճե-տիկի հանձնաժողովին, որի դիրքորոշու-մը իրապարակվեց անցյալ շաբաթ։ Ինչ-պես հայտարարեց նախագահը, հանձ-նաժողովի կողմից ստացած դիտողու-թյուններից հետո, ինքը խորհրդատվու-թյուն է անցկացրել վարչապետի հետ։ Գիորգի Մարգվելաշվիլին հույս ունի, որ խորհրդարանը հաշվի կառնի ներկայա-ց-րած դիտողությունները։

Նախագահական վետոյի կապակցու-թյամբ, Վրաստանի վարչապետ Գիորգի Կվիրիկաշվիլին հայտարարեց, որ ինքը հնարավոր ամեն ինչ կանի, որպեսզի մե-ծամասնությունը համաձայնի նախագա-հական վետոյում ներկայացված դիտո-ղություններին, եւ որպեսզի դադարեց-վեն խոսակցությունները դրա երկարաձ-ման մասին։ Վարչապետը հաստատեց այն փաստը, որ նախագահի հետ այդ հարցը քննարկել է, եւ իրենք պայմանա-վորվել են հիմնել այնպիսի մոդել, որը

լրիվությամբ կհամապատասխանի Վեճե-տիկի հանձնաժողովի պահանջներին։ «Նախագահի հետ կոնստրուկտիվ խո-սակցություն ունեցավ, որին մասնակցե-ցին խորհրդարանի նախագահը եւ պատ-գամավորները, ովքեր անմիջականորեն աշխատում էին այդ հարցի շուրջ։ Մենք պայմանավորվեցինք հիմնել այնպիսի մոդել, որը լրիվությամբ համապատաս-խանի Վեճետիկի հանձնաժողովի պա-հանջներին, եւ միաժամանակ հաշվի առ-նի մեր դիտողությունները։ Գտնում են, որ մենք հիմնալի նախադեպ ենք ստեղ-ծել մեծ կոնստրուկտիվ երկխոսության համար», - հայտարարեց վարչապետը։

ՔԱՂԱՔԱՑԻՈՒԹՅՈՒՆ

ԿՈՉ՝ ՈՒՂՂՎԱԾ ՔԱՂԱՔԱՑԻՈՒԹՅԱՆ ԶԱՆՁՆՅԱՆ ԴՅՈՒՐԱՑՄԱՆ

Զամայն Վրաստանի Կաթողիկոս-Պատրիարք Իլիա Երկրորդը կառավարությանը կոչ է արել վրացական սփյուռքի ներկայացուցիչների համար դյուրացնել Վրաստանի քաղաքացիության հանձնման ընթացակարգը։

«Սփյուռքը Վրաստանի անկապտելի մասն է, ուստի եւ նրա յուրաքանչյուր անդամը պետք է լինի Վրաստանի քաղաքա-ցի։ Ցանկանում են դիմել մեր կառավարությանը, արդարադա-տության նախարարությանը, որպեսզի նրանք համար դյուրացվի քաղաքացիության շնորհման ընթացակարգը», - հայտարարեց Կաթողիկոս-Պատրիարքը։

Իր հերթին, Վրաստանի արդարադատության նախարար Թեա Ծուլուկիանին խոստացավ աշխատել Կաթողիկոս-Պատ-րիարքի նախաձեռնությամբ մարմնավորման շուրջ՝ նշելով, որ այդ ուղղությամբ հիմնախնդիրներ գործնականում գոյություն չունեն։ «Մենք կաշխատենք կաթողիկոսի նախաձեռնության շուրջ, թեպետ ցանկանում են նշել, որ արդեն այսօր բոլոր

նրանց համար, ովքեր ծնվել են Վրաստանում, ովքեր ունեցել կան չեն ունեցել Վրաստանի քաղաքա-ցիություն, սակայն ծնվել են Վրաս-տանում, ովքեր նախկինում ունե-ցել են խորհրդային, սակայն չեն ունեցել վրացական անձնագրեր, բայց ծնվել են Վրաստանում, արդարադատության նախարա-րության եւ Վրաստանի նախագահի աջակցությամբ, նրանց ավտոմատորեն տրվում է երկրորդ քաղաքացիություն, այսինքն Վրաստանի քաղաքացիություն։ Գործնականում այդ առումով հիմնախնդիրներ չկան», - հայտարարեց Թեա Ծուլուկիանին։



ԿԱՆԽԱԳԾՈՒՄ

ՆՈՂԱՐ ԽԱՂՈՒՐԻ. «ԱՅՍ ՏԱՐԻ ՏՆՏԵՍԱԿԱՆ ԱՃԸ ԿԳԵՐԱՋԱՆՑԻ 3 ՏՈԿՈՍԸ»



Վրաստանի ֆինանսների նախարար Նոդար Խաղու-րու կանխագծումներով, այս տարի Վրաստանում տն-տեսական աճը կգերազանցի 3 տոկոսի բնագիծը։

«Տ վ - յալները, որ ներկա-յումս ու-նենք, թույլ

են տալիս վստահությամբ նշել, որ այս տարի տնտեսական աճը 3 տոկոսից

ավելի կլինի», - հայտարարեց նախա-րարը եւ հավելեց, որ ընթացիկ տար-վա փետրվար ամսից երկրում տնտե-սական աճը կայունորեն մեծանում է։ «Ապրիլին նշանակալի ակտիվություն գրանցվեց։ Առկա տվյալները թույլ են տալիս վստահությամբ ասել, որ տն-

տեսական աճը 3 տոկոսից ավելի կլի-նի։ Դա հաստատում է նաեւ վերակա-ռուցման եւ զարգացման եվրոպական բանկը։ Այն տնտեսական աճի կանխագ-ծային ցուցանիշը հասցրել է 3-4 տո-կոսի։ Որքանով տեղեկացված են, մեծ դրական միտում են վավերացնում նա-եւ մյուս միջազգային կազմակերպու-թյունները, այդ թվում Արժույթի միջա-զգային հիմնադրամը», - հայտարարեց Նոդար Խաղուրին։

ԲԱՆԱԿ

ՄԵԿՆԱՐԿԵԼ Է ԴԱՅՄԱՆԱԳՐԱՅԻՆ ԶԻՆՇԱՌԱՅՈՒԹՅԱՆ ԸՆԴՈՒՆՈՒՄԸ

Մայիսի 31-ից Վրաստանի պաշտպանության նախարա-րությունը քաղաքացիներին հրավիրում է զինծառայության եւ առաջարկում նրանց պայմանագրեր կնքել։

Ինչպես տեղեկացրել է գե-րատեսչությունը, քառամյա պայմանագրային զինծառա-յության ընդունվում են 18-ից մինչեւ 35 տարեկան զորակո-չիկներն ու այն երիտասարդ-ները, ովքեր արդեն անցել են պարտադիր կամ պայմանագ-

րային զինծառայությունը։

Չորս տարվա ընթացքում զինծառայողները կստանան 950 լարիի չափով աշխատա-վարձ։ Պայմանագրային զին-ծառայության մեջ գտնվող ան-ձանց աշխատավարձը կավե-լանա կախված կոչումից, պաշ-

տոնից եւ զինվորական ստա-ժից։ Նրանք կապահովվեն ար-դի հանդերձանքով, բարձրո-րակ անվճար բուժսպասարկ-մամբ, ինչպես նաեւ ընտանի-քի բոլոր անդամների համար սոցիալական եւ իրավական պաշտպանությամբ։

Պայմանագրային զինծա-ռայությունը, բարձր աշխա-տավարձից բացի, ընձեռում է պաշտոնական առաջընթացի

հնարավորություն։ Զինծառա-յողները նաեւ կարող են վրաց եւ օտարերկրյա իրահանգիչ-ների օգնությամբ բարձրաց-նել մասնագիտական նախա-պատրաստության մակարդա-կը, յուրացնել օտար լեզուն եւ մասնակցել միջազգային գոր-ծողություններին», - նշված է պաշտպանության նախարա-րության հրապարակած բա-ցատրագրում։

ԴԻՐՔՈՐՈՇՈՒՄ

ԲԻԶՆԱ ԻՎԱՆԻՇՎԻԼԻ. «ԳԻՈՐԳԻ ԿՎԻՐԻԿԱՇՎԻԼԻՆ ԱՅՆ ԼԻԴԵՐՆ Է, ՈՐՆ ԱՅՍՕՐ ԱՆՅՐԱԺԵՇՏ Է ԵՐԿՐԻՆ»

Վրաստանի նախկին վարչապետ Բիծինա Իվանիշվիլին հրապարակել է նամակ, որտեղ ներկայացրել է իր նկատառումները երկրում ընթացող իրադարձությունների, քաղաքական միտումների եւ իր առաջիկա ծրագրերի մասին:

Վրաստանի նախկին վարչապետն իր բաց նամակում նշում է, որ ներկայիս վարչապետ Գիորգի Կվիրիկաշվիլին աչքի է ընկնում կարողացածությամբ, աշխատասիրությամբ, եւ այն լիդերն է, որն այսօր անհրաժեշտ է երկրին:

«Իմ այս նամակը եւ առաջիկայում ծրագրված հեռուստատեսությամբ ծանայում են այն նպատակին, որպեսզի հասարակությանը ներկայացնեմ իմ վերլուծությունն այն մասին, թե ինչու մենք պետք է աջակցենք «Վրացական երազանքին» ու նրա նախագահին: Կվիրիկաշվիլին այն լիդերն է, որն այսօր անհրաժեշտ է Վրաստանին», - իր նամակում նշում է Բիծինա Իվանիշվիլին:

ԱԿՏԻՎ ՄԱՍՆԱԿՑՈՒԹՅՈՒՆ՝ ՆԱԽԸՆՏՐԱՐՈՇՆԱԿԻՆ

Վրաստանի նախկին վարչապետ, միլիարդատեր Բիծինա Իվանիշվիլին պնդում է, որ ինքն առաջիկա խորհրդարանական ընտրությունների հետ կապված անձնական շահեր չունի, բայց մտադիր է ակտիվ մասնակցություն ունենալ «Վրացական երազանք-ժողովրդավարական

Վրաստան» կառավարող կուսակցության նախընտրական արշավին:

«Ես ապագա ընտրությունների հետ կապված ոչ մի անձնական պլան ու նպատակ չունեմ: Իմ միակ հոգսն այն է, որ 10-15 տարի անց այն գործը, որի հիմքը դրել են մեր նախնիները, բարեհաջող ավարտվի, եւ ես ձեզ հետ միասին ուրախանամ Վրաստանի կյանքով», - գրված է Իվանիշվիլու բաց նամակում:

ԱՄՆ-Ի ՀԵՏ ՀԱՐԱԲԵՐՈՒԹՅՈՒՆՆԵՐԸ ՄԵԾ ՆՇԱՆԱԿՈՒԹՅՈՒՆ ՈՒՆԵՆ

Վրաստանի նախկին վարչապետ Բիծինա Իվանիշվիլին մեծ նշանակություն է տալիս Ամերիկայի Միացյալ Նահանգներին հետ հարաբերություններին:

Իր բաց նամակում նա գրում է, որ ԱՄՆ-ը Վրաստանի անկախության երաշխավորն է, եւ փորձության պահին հենց Ամերիկան է ցուցաբերել ամենանշանակալի ֆինանսական, ռազմաքաղաքական եւ բարոյական օգնությունն ու աջակցությունը:

«Խոսելով Վրաստանի արտաքին կողմնորոշումների մասին՝ առանձնակի ցանկանում եմ նշել ԱՄՆ-ի, մեր ռազմավարա-

կան գործընկերոջ հետ հարաբերությունները: Վերջին չորս տարիներին մեր երկրների միջեւ բարեկամությունը բարձրացվել է որակական նոր մակարդակի», - գրում է Բիծինա Իվանիշվիլին:

ՆՊԱՏԱԿԸ ՈՒՄԱՍԱՆԻ ՀԵՏ ՀԱՐԱԲԵՐՈՒԹՅՈՒՆՆԵՐԻ ԲԱՐԵԼԱՊՈՒՆ Է

Վրաստանի նախկին վարչապետ Բիծինա Իվանիշվիլին իր բաց նամակում պնդում է, թե երկրի իշխանությունները հնարավոր ամեն բան անում են Ռուսաստանի հետ հարաբերությունները նորմալացնելու համար:

«Արեւմտամետ քաղաքականությունը չի նշանակում, որ մենք հարգանքով չենք վերաբերվելու մեր հարեւաններին եւ հաշվի չենք առնելու նրանց շահերը: Ընդհակառակը, մեր ռազմավարությունը բարեկամական հարաբերությունների հաստատում է նախատեսում հարեւան եւ ոչ միայն հարեւան երկրների հետ», - գրված է Իվանիշվիլու բաց նամակում:

«Մենք ամեն ինչ կանենք, որպեսզի առանց Վրաստանի շահերը վնասելու նորմալացնենք հարաբերությունները Ռուսաստանի հետ: Բացի այդ, մենք կխորացնենք կապերը կարեւոր գործընկերների ու բա-



րեկանների՝ Թուրքիայի, Ադրբեջանի, Հայաստանի հետ», - գրում է նա:

Դրա հետ մեկտեղ, նախկին վարչապետը նշել է, որ Վրաստանի համար արտաքին քաղաքականությունը եւ կողմնորոշիչը միանշանակ եվրատլանտյան ուղղությունն է:

«Մենք պետք է լավ հասկանանք, որ եվրամիությանը Վրաստանի անդամակցությունը մոտակա օրակարգի հարց չէ: Մեզ հարկ կլինի նաեւ որոշակի ժամանակ սպասել, մինչեւ ՆԱՏՕ-ի անդամ դառնանք, քանի որ դա բարդ աշխարհաքաղաքական գործընթացի բաղադրիչն է, եւ դա կախված չէ միայն մեր ցանկությունից ու պատրաստվածությունից», - ասված է նամակում:

ՀՐԱՏԱՊ

ԻՆՉ ՊԵՏՔ Է ԻՄԱՆԱԼ ՀԻՊՈԹԵԲԱՅԻՆ ՎԱՐԿ ՎԵՐՑՆԵԼԻՍ



Հիպոթեքային վարկը բնակարանի կամ կոմերցիոն տարածքի ձեռքբերման համար նախատեսված բանկային սպասարկում է:

Վաճառքային սպասարկում է: Բանկն առավել մատչելի եւ գործուն պայմաններ է առաջարկում այն սպառողներին, ովքեր ցանկանում են օգտվել վերոնշյալ վարկից: Ո՞րն է այն նշանակալից տեղեկատվությունը, որը պարտադիր կարգով պետք է իմանա ցանկացած քաղաքացի, ով որոշել է հիպոթեքային վարկ վերցնելու համար դիմել բանկին: Այս թեմայով հարցազրույց TBC բանկի տարածաշրջանային տնօրեն ԼԵՎԱՆ ԴԻԱՍԱՄԻՉԵԻ հետ:

- Ի՞նչ է հիպոթեքային վարկը, եւ ինչո՞վ է այն տարբերվում սպառողական վարկից:

- Հասարակայնության մոտ հիպոթեքային հասկացողության կապակցությամբ տարբեր մեկնաբանություններ են տարածված: Շատ հաճախ հիպոթեքային վարկ են համարում անհրաժեշտ գույքով ապահովագրված ցանկացած վարկը, այդ արտահայտությունը հաճախ օգտագործում են ներդնում են միկրոֆինանսական կազմակերպությունները՝ գումարի ապահովագրման եւ ոչ թե գումարի նպատակային օգտագործման համար: Թեպետ բանկային տարածքում հիպոթեքային վարկի հիմնական տարբերությունները վարկի մյուս տեսակներից դրա նպատակայնությունն է, որը կարող է լինել անշարժ գույքի՝ տան, ամառանոցի, հողամասի եւ այլնի ձեռքբերումը: Հենց բնույթով եւ նպատակային բաղադրիչով էլ հիպոթեքային վարկը տարբերվում է սպառողական վարկից: Եթե մի դեպքում նպատակը անշարժ գույքի ձեռքբերումն է, ապա երկրորդ դեպքում նպատակը կարող է լինել սպառողական կարիքների բավարարումը (օրինակ, հեռուստացույցի, բջջային հեռախոսի կամ այլ իրի գնումը):

- Ո՞ր հարցերի վրա պետք է սպառողը բեւեռի ուշադրությունը հիպոթեքային վարկ վերցնելու ժամանակ:

- Նախ, նշանակալից է ընկալել այն պարտավորությունները,

որոնք տրվում են վարկի փոխարեն, եւ այն, որ այդ պարտավորությունների կատարումը բավականին տեսական ժամանակահատվածում ձեզ համար պարտադիր են: Հետեւաբար, պետք է հստակ որոշել, թե որքանով կայուն եւ երկարաժամկետ եկամտի աղբյուր ունեք, ի՞նչ ռիսկերի առջեւ կարող եք կանգնել պարտքը չմարելու դեպքում: Իսկ նրանից հետո, երբ համոզվեք հիպոթեքային վարկի ստացման անհրաժեշտության մեջ, հարկավոր է ուշադրությունը բեւեռել վարկի ստացման հետ կապված տարբեր տեսակի կոմիսիոն գումարների արդյունավետ տոկոսադրույքի, ամսական պահանջելի գումարը չմոծելու կամ, նախօրոք գումարի մարման դեպքում, պատժամիջոցների գումարի մարման գրաֆիկի, վարկի տարադրամի եւ վարկի ժամկետների հարցերի վրա: Որպեսզի լավ ընկալեք ստանձնած պարտավորությունների նշանակությունը, ուշադրությամբ կարդացեք բոլոր այն պայմանագրերը, որոնք ստորագրելու եք վարկի ձեւակերպման գործընթացում:

- Ի՞նչ տարբերություն կա արդյունավետ եւ տարեկան տոկոսադրույքների միջեւ:

- Արդյունավետ տոկոսադրույքը վարկային պայմանագրով նախատեսված տոկոսադրույք է, որի հաշվարկման ժամանակ ներառվում են վարկատուի կողմից վարկի հանձնման գործընթացում կատարված բոլոր պարտադիր ֆի-



նանսական ծախսերը, իսկ տարեկան տոկոսադրույքը հաշվարկվում է առանց վարկի արժեքի լրացուցիչ ծախսերի նախատեսմամբ: Հետեւաբար, ֆինանսական տարբեր կազմակերպությունների կողմից վարկերի տրման պայմանները համեմատելիս, նշանակալից է միմյանց հետ համեմատել արդյունավետ տոկոսադրույքները եւ ոչ թե միայն տարեկան տոկոսադրույքը: Դրանով իսկ, հստակորեն կպարզեք, թե որ առաջարկությունն է ձեզ շահավետ:

- Հիպոթեքային վարկի դեպքում, ինչո՞ւ են տարբերվում տոկոսադրույքները լարիի եւ դոլարի ժամանակ:

- Ի տարբերություն այլ տեսակի վարկերի, հիպոթեքային վարկը հիմնականում երկարաժամկետ է: Տարբերվում են նաեւ երկարատեւ ժամանակահատվածում լարիի, դոլարի, եվրոյի կամ այլ կոնկրետ տարադրամի արժեզրկման հետ կապված ռիսկերը: Հետեւաբար, տեսական ժամանակահատվածում տարադրամի կայունությունը, այսինքն՝ ստացված վարկի արժեքը հնարավոր է ֆինանսական կազմակերպության համար նշանակալիորեն փոխվի: Հենց այդ ռիսկից ելնելով էլ, հիպոթեքային վարկի տոկոսադրույքը կարող է հաշվարկվել այլ տարադրամի միջոցով: Մեր պայմաններում հիպոթեքային

վարկը դոլարով եւ եվրոյով հանձնելու դեպքում, առավել պակաս տոկոսադրույք են ունենում, քան նույնը՝ լարիի պայմաններում:

- Ի՞նչ է նշանակում գումարի փոփոխական տոկոսադրույքը, եւ ո՞րն է Ազգային բանկի վերաֆինանսավորման դրույքը:

- Վերջին ժամանակներում հաճախ եղել վարկերի հանձնումը փոփոխական տոկոսադրույքով: Փոփոխական է դոլարի դեպքում ստացված լիբոր (LIBOR-London Interbank Offered Rate/Լոնդոնի միջբանկային առաջարկության դրույք), իսկ լարիի դեպքում՝ Ազգային բանկի վերաֆինանսավորման դրույքը: Դրանց փոփոխությունն ուղիղ համեմատականորեն արտահայտվում է վարկի տոկոսադրույքի փոփոխության վրա:

Օրինակ, եթե ունենք փոփոխական տոկոսադրույքով գումար 12 տոկոսով, եւ գումարի ստացման պահին Ազգային բանկի վերաֆինանսավորման դրույքը կազմում է 8 տոկոս, ապա դրա մինչեւ 7 տոկոս իջնելու դեպքում, տարեկան դրույքը նվազում է մինչեւ 11 տոկոս, իսկ բարձրանալու դեպքում՝ համապատասխանաբար ավելանում է:

Դրույքների մասին վիճակագրությունը եւ մանրամասն տեղեկատվությունը կարելի է ստանալ լարիի դեպքում՝ www.nbg.gov.ge, իսկ դոլարի դեպքում՝ www.global-rate.com կայք-էջերով:

- Ինչի՞ց է կախված տոկոսադրույքի փոփոխությունը, եւ ինչպիսի՞ն է դրա միտումը, օրինակ՝ սկսած 2008 թվականից:

- Ինչպես վարկային սպասարկումների, այնպես էլ դեպոզիտ տոկոսադրույքի փոփոխումը կարող է կախված լինել բազում գործոններից՝ սկսած մեր անմիջական ֆինանսական վիճակից ու կայունությունից եւ վերջացած

տարածաշրջանային կամ գլոբալ մասշտաբի գործընթացներ: Օրինակ, որքան կայուն ու ֆինանսապես հաստատուն է երկիրը, այնքան պակաս տոկոսադրույքով բանկերը կարող են գրավել ֆինանսական ռեսուրսներ, հետեւաբար, վարկերն էլ կտրվեն պակաս տոկոսադրույքով:

Ինչ վերաբերում է 2008 թվականի միտումներին, ապա կարող ենք ասել, որ իրավիճակը փոքրիշատե կայուն է, եւ վարկային սպասարկման գների նշանակալի ավելացում չի գրանցվել:

- Գլխավոր խորհուրդը, որը կցանկանայիք տալ հիպոթեքային վարկից օգտվել ցանկացողներին:

- Ինչպես արդեն նշեցի, հարկ է հստակորեն գիտակցել այն պատասխանատվությունը, որը կապված է հիպոթեքային վարկ վերցնելու հետ: Հարկ է հստակորեն վերլուծել կոնկրետ ֆինանսական իրավիճակը եւ երկրի անշարժ գույքի շուկայում առկա իրավիճակը: Միայն դրանից հետո, հարկ է որոշում ընդունել, թե որքանով է համապատասխանում ժամանակը հիպոթեքային վարկի ստացման եւ ձեռք ցանկությունների կատարման համար:

Այն բանից հետո, երբ հիպոթեքային վարկի ստացման որոշում եք ընդունում, հարկ է մանրամասն ուսումնասիրել ֆինանսական տարբեր հաստատությունների առաջարկությունները, համեմատեք արդյունավետ տոկոսադրույքները, որոշեք, թե ո՞ր տարադրամով է գերադասելի ստանալ վարկը եւ նման հարցեր:

Նաեւ խորհուրդ ենք տալիս չմոռանալ եւ չխուսափել վարկի ստացման պայմանագրի ուշադիր ընթերցումից եւ, անհրաժեշտության դեպքում, ձեզ հետաքրքրող հարցերն առաջադրելուց:

Հիպոթեքային վարկի վերաբերյալ առավել մանրամասների մասին կարող եք տեղեկանալ հիպոթեքային բանկից: